

*Preparacionnan pa Señora Carnaval di Meta Social
Club ta bayendo "tur cu tin"*

**Lynette Bernadina ta tene e tema di su
show un secreto y e gran sorpresa**

ORANJESTAD -- Cu un sonrisa contagioso, Lynette Bernadina a laga reporteronan sa cu e tema di su show pa su participacion na e eleccion di Señora Carnaval ta keda un secreto. Loke si e Señora Carnaval di Meta Social Club kier a comparti pa tur persona cu ta bay apoy'e por prepara bon, ta cu su colornan di apoyo ta biña, plata y preto. Y te eynan el a keda cu su informacion tocante su preparacionnan.

Señora Carnaval di Meta



den Carnaval 60 pa haci nan best pa luci fabuloso, mas cu nunca antes y yuda engrandece Carnaval di Aruba. Meta Social Club ta bay "tur cu tin" cu nan candidata, esey ta confirma!

Social Club a sali Señora Carnaval pa e compania MetaCorp algun tempo pasa y ora e grupo di Carnaval tabata buscando un candidata pa bay representa nan na stadion, Lynette Bernadina a haci e chansa "mi no ta baha corona". Tabata net loke Meta Social Club tabatin mester tende pa dicidi di apunta Lynette como nan representante y di eynan tur e preparacionnan a cuminsa.

Lynette Bernadina ta conta cu ta hopi druk, leuk y gezellig, y ta hopi detaye tin pa prepara manera e apoyo, su show, un speech, paña y hopi mas. Conoci como un persona cu ta gusta musica, Lynette Bernadina ta representa su grupo tur caminda unda cu tin actividad y tin hopi animo pa e eleccion cu ta tuma luga dialuna dia 17 di februari na Aruba Entertainment Center. Pa esaki e ta invita publico general, pero sigur miembronan di e diferente gruponan cu ta manda un candidata pa Sra. Carnaval pa bin apoya nan representante. Tur hende ta trahando duro riba nan show y trahe, etc. y tur candidata kier wak Entertainment Center yen yen.

Ademas, Lynette Bernadina ta pidi tur hende cu ta participa